

242651
45
25



之溪老生集卷第六

藥裏後集下

題畫 次韻勿齋歲杪見懷顛倒各成一章壽

李大村 定子遜遺詩感系其後 客中晤夢菴

乞菊柬抑高 謝菊 張抑高六十 洪去蕪

六十 題朱林修柏石圖 題漸江西干筏泛圖

次答勿齋春日見懷 泛舟紅橋拙村招同勿

齋 雨泛 孤兒葬親行為程載錫作 勿齋客

中經旬斷肉予亦疾作連日屏輦詩來索笑次韻

為答 以勞致劇連夕展轉無寐勿齋小瘥過訪

用前韻志謝 病中悒悒多鄉園之思疊前韻



候入清明半日之間雷雨頓作倏而晴霽勿齋又
投問疾詩 將去江村再東勿齋 生日同人置
酒贈詩次勿齋韻 題嶺南木葉黏冊 壽朱東
田 小犀杯玉扇章各一是老友鄭夢老物蒼翠
雲辯師得以貽余感系以詩 七夕啖蜜食化生
人作 題魏顥將像 贈李東序 贈胡雨辰
贈鄭二在 留別高聖期式南兄弟 留別張抑
高 留別張環齋吳研溪黃宗石 留寄洪去蕪
留別潘虬姿 題墨慧圖 花朝集蒼翠菴玉
蘭花下 野步同楸磯 曉起馬岡揆桃花 新
柳 雨 永福寺後山 鬪髀山桃花 半峰菴

後山 陰雨看屋後一帶花 潘虬姿五十 玩
顧寶幢畫冊作 次答蔡岡南贈畫及詩 吳綺
園寄龍柱天蛻墨 謝楸磯惠笠 飲朱少文水
亭 苑家橋 盧龍山同朱福茲 遊茅山 輓
劉藜先 和岡南典裘 題攝山秋遊圖傷朱東
屏 題蔡岡南攝山秋遊圖 東岡南惠酒 獨
酌有感 除夕有傷朱東屏 清涼講舍追慕耿
天臺焦弱侯諸公 雪中東蒼翠菴主客 苦雪
東蔡岡南兼致徐子貫 次答王歙州見懷 種
紙菴對花 周師農瓶中芍藥 王子宣家孟白
牡丹 梁氏水亭 東邑以製成雙櫬為贈感答

以詩 同史千里宿蔡齋即席次史韻 遊寶華
山 再入攝山傷朱東屏 謝酒東楸磯 蔡岡
南移居 顧儼若惠川椒附子更許致丁香油以
療腹疾 喜洪咏懷來 薄暮看衛基桃花 僻
園左右桃花 雙塘桃花 演長生殿傷洪昉思
吳寶樹八十 次韻補題雲辯上人小照 贈
王清雯 題黃尊古獨往圖 雪後集白牛閣
看永興德恩兩寺梅 春半 野望 雨後看籬
門外一帶花 雙果菴看花 暑夕元子初歸留
同孝則小飲 十一夜松門踏月

之溪老生集卷第六

藥裏後集下

題畫

雲巒有時沒風泉偶然靜草深人不遊孤幡寺門影
山頭飛夕烟高鳥下平樹斜陽不照人空潭自吹雨
二客如可從相思正愁絕空山何古今瑤琴對松月
次韻勿齋歲杪見懷顛倒各成一章

昨冬廣陵城日煖無風沙言隨二三子徧飲東西家流
連成聚會近客非天涯韓侯意何為退然賓左車君才
實勝我我每驚而嗟有時過君寓夜黑林棲鴉張燈發
語笑絕倒同歌斜遙遙千載程心短力猶賒新詩勝醴

酪品貴爭團茶吟成不求賞但欲攻其瑕操繩本良匠
一綫何由差歲闌各告歸泛泛傷浮槎相思莫云覲歷
亂江郊花

園柳始含芽山梅早飄花所思屬伊人邈難乘星槎宵
來百里夢覲面無少差爬搔著痛癢護惜忘疵瑕何物
堪餉君妙藥兼香茶老病不能飲非關無酒賒逐逐恒
隨君道旁行步斜蕪城北門外舊壘惟孤鴉相與一憑
弔寧免多咨嗟懸杓已改向去日如奔車含情向春水
芳草愁無涯抱書渡江來客裏常爲家眼中不見君三
日生塵沙

壽李大村

物象陶靈府風騷蘊古情傳人應間出作者遞爭鳴此
道流天壤千秋付鑑衡將期合轍貴尤在闢途清滅裂
時賢久紛紜俗學成一從趨陸派無復振唐聲雅調惟
君賴孤標自我評隱然推大敵屹立擬長城束髮名何
早高才衆所驚行藏是男子家世有公卿霧雨滋文豹
滄溟掣巨鯨胸羅五兵富筆幹百鈞輕整步遵前軌褰
裳赴後程不辭爲職志實欲樹侯正隻字專精見諸篇
備體盈歲常增卷帙響不斷鏗錡藝圃芳英少詞場灌
莽生感懷恒若醉立論頗難平寥廓存遐企栖遲謝遠
征天邊占且望海畔釣兼耕郡郭浮舟到雲山撰杖行
養菴分日鬪酤酒看朋傾兩地嗟睽隔頻年快合并敢

云同水乳相報少瑤瓊金石餘年固鶯花四月晴翩翩
雙羽鶴來近必東瀛

定子璲遺詩感系其後

前春感歎定嚴詩鋟本初成寄恐遲今日雨中和淚讀
君詩又是一重悲

向來頗怪少篇章一第無成萬事妨身後可憐何物在
依然溫李勝王唐

少而相愛老相親不合無端慕古人落地便逢天帝醉
與君終始一酸辛

新潮又長古磯頭忍復呼船載酒遊何意病身賒一死
未歸先已淚交流

客中晤夢菴

餘暑猶驕葉未飛清談相向到斜暉如何頭白忘情客
亦有山陽淚灑衣

雲白春湖水浸橋山菴古鏡草蕭蕭看師未覺津梁倦
來去惟將杖與瓢

乞菊柬抑高

紫白棚花豆葉稀海棠零落砌蛩悲衡門此日無風雨
正是陶家有菊時

屋後平治旋插荆藥苗多本奮然生憑君長養無遺力
一歲移居隱計成

高子遠移鄰邑種鄙人空憶晚村花一兩損農還敗圃

祇應秋色屬君家
客裏時光病折磨
東城誰問舊池荷
醉來要把霜心嗅
意在秋花不在多

謝菊

初雁微聞少作行
衰桐卷葉向斜陽
秋光支遣無他物
惟有寒花著意黃
童子提筐僂偃齋
橋邊來往易成蹊
幾叢分到書堂下
留得培根五寸泥

夢遶南山與北田
鄉思橫在酒杯前
霜花亦笑人衰病
嬾去登高祇醉眠

一片芙蓉隔晚汀
江村風露冷空亭
娛人最是瓶中影

自起移燈就紙屏

張抑高六十

毀方爲瓦合介者意偏殊
花藥盈階下箴銘在座隅
晚而求絡秀子欲比商瞿
百歲同今健懸知杖少扶
一廛從弱歲旅食已平生
秦士風原勁江天景自清
雪留松檟茂春至犢犁輕
北郭西山內農樵計好成
甲子平頭是何曾見二毛
振衣行踽踽開卷意囂囂
鏡削詩情異矜持畫筆高
殘陽橫巷口相送每忘勞

洪去蕪六十

時所輯易說
與春秋解成

輟簡書今就攤著
邈久成代間留大業
巖下樹修名齋
祓平生志羹牆萬古情
未妨爲世棄直欲埃河清
江海

浮孤擢鐘鏞發鉅聲微言遺蹟在博辨小儒驚孔思姬
情遠王綱霸軌傾洗藏心獨契筆削義誰精豈謂因麟
獲非關是馬呈九師徒破碎三傳少分明潔淨歸文象
森嚴治會盟百家充棟牖一力埽荆榛手自勤編寫人
猶屬曠盲素梅香在几皓月冷窺楹寢食忘頻歲頽鬚
白數莖將身傳宇宙結想聽韶醵甲子逢周轉暮旬正
滿盈期君如壽鶴宴客有鮮螿旅食依旁縣躬畊憶舊
京由來三不朽述作最崢嶸

題朱林修柏石圖

洗滌蒼烟好琢銘居然靈岳具真形喜君側坐山窗下
每日哦詩石丈聽

右石

有句無句消息露樹倒藤枯句何處叅得黃梅嶺外禪
會取庭前趙州樹

右柏

題漸江西干筏泛圖

月泉吟社舊盟寒無復遺黎結古懽何許風流二三子
携尊吹笛泛西干

漸公除却數莖髮畫筆清蒼不貴多寫到家山尤著意
詩成無奈夕陽何

題畫詩有看到雲山已夕陽之句踰月而卒

人間遺墨無多本尺幅蕭疎意不群百樹梅花五明寺
披雲峰下漸師墳

次答勿齋春日見懷

望去平蕪接淺莎相思一月隔遙波與君有約春將老

作客無聊雨更多愁裏寄書難覓鯉興來寫字好籠鵝
新詩但見還加愛擗捨寧須效李何

泛舟紅橋拙村招同勿齋

客久已逾月嬉春始今朝懽然到老友况復良朋招城
隅命輕舟淺窄纔能篙閒園花已殘灼灼惟緋桃綠楊
未飛絲東風掠長條湖邊遊跡多處處懸帘高農邨遠
透池佛樓冠山椒凝情向空渚騁目依平皋隣舟一吹
笛落日橫烟橋由來簾盛地彌使羈魂消壯盛不再來
對坐慚英髦歸途有初月可惜無新潮醉矣夫何辭縱
誕還堪嘲有所指勝遊倘欲再珍重儲佳醪

雨泛

貪遊還泛艇帶雨過紅橋村與烟同暗春將水共消花
殘園欲閉人寂柳空搖薄飲情彌洽湖邊忽聽簫

孤兒葬親行爲程載錫作

旃蒙作噩冬涂月天宇晶明少冰雪假爾泰著時日叶
舉鋪空山見佳穴孤兒紛紛淚承睫少小零丁難具說
半世營求一朝得翁媪相携就安宅懿哉孤兒誰與埒
守身恒如白華白囊雖乏錢計何決貧而葬親禮無缺
一士西江偶來客賓館周旋義高絕自詫青烏有真訣
報君孝思天所設上隆旁豐非馬鬣沙水包纏氣融結
彼哉雄豪奚足悅縱有新阡是原涉會葬多人拜成列
石上鑱銘字難滅孤兒有子孫復孫鬱鬱高原護松柏

勿齋客中經句斷肉予亦疾作連日屏葷詩來
索笑次韻爲答

孱軀衰甚旅愁淡烈日憎明反愛陰春去將離開似錦
潮來石首色如金固應有意爲同病非係清齋養道心
力疾羨君揮翰坐嗟余支枕但呻吟

以勞致劇連夕展轉無寐勿齋小瘥過訪用前

韻志謝

靜中納息苦難淡枕上勞思每耗陰底用長生求九轉
祇須熟睡抵千金殷勤東札如謀面爛漫鶯花又攪心
罄歎忽聞神已王可知連日有高吟

病中悒悒多鄉園之思疊前韻

南山窈窕佛廬淡處處閒眠選茂陰綠竹嫩沾新節粉
黃鸝斜墜遠梢金老無隱計真餬口病爲風光暗損心
虛把一編消客晝多成嗟歎少成吟

候入清和半日之間雷雨頓作倏而晴霽勿齋

又投問疾詩

解將喧雜作幽淡兀坐常依屋角陰忽地正晴雲似墨
移時倚晚日搖金十年善病惟韜影一刻澄懷自觀心
更賴君詩能愈疾粥邊披看茗邊吟

將去江村再東勿齋

江村待我戶蘿淡已是新香栝柏陰小鳥俊拖雙尾練
熟梅輕墮一丸金嘗看月挂蒼龍角住到天移大火心

別去見山樓下臥相思誰與共清吟

生日同人置酒贈詩次勿齋韻

前夕紅橋載酒過晚烟淡淡水羅羅醉中感慨談天寶
塵外風流慕永和老馬又慚添齒長新蠶何苦著絲多
淹留不去無他意要聽吳僧按節歌

題嶺南木葉黏冊

穴蟲歲歲忘坏戶山暖青蛇草面遊嶺外何人間拾得
少經風雨未經秋

不入春風萬卉林美人香草意同淡左徒弟子悲搖落
千載騷心葉上尋

黏綴膠香熨貼平癡於兒女用心情誰言草木無堅質

生意還從骨裏生

壽朱東田

埋金羸氏山鑿脉秦時流白露變野草園陵幾春秋紫
雲不改色朝朝籠山頭清淮忽然溢水面簫聲愁今時
衡茅士昔日朱邸侯撫已安所丁天運從去留平生事
詩書所得固已優充然吾道華未嘗因食謀與君爲親
串跡睽情則投少將一尊酒相對成綢繆請申廿年期
出入從君遊我老免爲客日日能賡酌緘詩以壽君寒
梅雀啁啾百年指顧間願言諧所求

小犀杯玉扇章各一是老友鄭夢老物蒼翠雲
辯師得以貽余感系以詩

黑暗蠻犀透理香瑩然玉質比鵝肪夔紋起伏杯如斗
篆體盤拏佩是章玩弄不啻離掌握安排嘗自置巾箱
故人身後何堪問遺物令余重感傷

七夕啖蜜食化生人作

秋入銀河暑漸清故園相尚重親情星傳牛女佳期到
水激鰲山巧勢成市肆貨化生兒者縛棚如鰲山注繡
水置輪其間使之激射謂爲歎巧
祿錦襠纔卅角著冠騎馬亦孩嬰平生嗜苦辭甘口一
笑盈盤對化生

題魏顯將像

越從柏鄉來占此白沙籍一廛託良農累葉蘊先德尊
人秉貞尚所樂在衡泌硯田五寸窪鬻字爲日給西陴

一卷詩其名及身立趨庭幼已然黽勉至今日樸誠以
自將未嘗稍緣飾寒霜每糾葛凱風亦吹棘人情翁然
稱子道頗無缺由來侍臨池早亦究書訣柳家元和脚
野鷺豈能及拈詩事聲偶弄筆作泉石力養無餘閒間
乃百中一飄飄神仙侶拂拂白鬚客一笑始逾強何妨
鬢成雪彼都人士邈風流莫云覲猶是古威儀穹然著
臺笠銅山朝來雨膚寸起雲色鏡薌在何許遺址無人
識好收幾稜田更結一區宅携鋤耦春耕來往看牛跡
北族爲相門南宗標士格豈徒炫人爵要在樹天則誕
彌方產男聞聲辨英物望此非一朝有子萬願畢

贈李東序

鳴蛩已在戶飛螽尚穿牖賓館來者多臥起拳接肘一
訖絕空江晨發不待酉游昇屆高秋作客亦云久異書
不停披七政時在手相隔跬步間未嘗接杯酒感君談
祿命慰我意良厚其人微已甚安望名不朽擬我於古
人玄真及五柳遜謝不敢當冥嘿自搔首古來英雄地
江山數京口才如劉穆之猶有此人否君於天下士固
可暗中取未必千載來寂寥無所遘江干雁初飛搖落
是其候他日戴公山訪君沽一斗

贈胡雨辰

野田茅屋下偃仰不勝寬苦竹遮簷短寒花壓架殘
碎
纊能共隱采糴亦成餐來往真無累秋風一籜冠

鹽豉先忘味烟霞舊染情黑甜惟瓦枕玄對是揪枰
嗒
爾形骸喪珊然骨節輕昔年遼海上丹已結胎成

贈鄭二在

澄湖飛冷雁兩月住西泠旅跡詩頻有鄉思夢易醒
轉
蓬霜岸白染筆曉山青又作真州客歸懷可暫寧

師山曾致命亂日治春秋穀紙千番寫巾箱十世留
闕
殘無復恨珍重肯相投從此傳琬本惟應細較讐
時偶
柏謀

梓師山先生春秋闕
疑二在以全本來歸

海宇滄桑後先人情世淡殞身緣癖疾刻意發飢吟
飢

六章憫
歲之作故里名貞白須民怨古今家風能不墜一往

見清襟

留別高聖期式南兄弟

志牽生計莫能藏我客君歸意渺茫著述無成才筆退
飢寒不免研田荒橫流滄海難容足倒轉青天久斷腸
酸楚滿懷從此別大江風色凜孤檣

留別張抑高

誰教忤俗薄榮名進退次且總闕行晚歲冰霜欺病骨
滿身憂患送平生孤心易感空張眼別恨重添頓失聲
十畝可圖兒子大似君雖老尚堪耕

留別張環齋吳研溪黃宗石

客中愛我往還勤落落情真祇數君嘗共閒吟遊近郭
多將老眼眺殘曛風波意外催人去消息愁邊遣信聞

望見隔江山色在依然夢好未曾分

留寄洪去蕪

髮白情枯思轉焦衰魂早欲遣巫招爭心久絕名猶累
道力原輕謗祇嚙但辨青山黃壤近可憐萬古一身遙
愀然引起平生恨還逐寒潮逆浪消

草間多露戒宵行事觸危機實可驚私意窺天原是錯
鈍根學易諒無成敢云終始蛩驢似聊比冬春鶻鳴鳴
西隔雲山二千里憑誰抑鬱訴歸情

留別潘虬姿

春初聚首到殘年那得臨分不泣然開口幾曾忘忌諱
蟠甯惟覺是憂煎陳家但用先人臘王氏難存舊日瓊

時厄於安頓餘生應早計雲陽容有易收田將移家丹陽

題墨慧圖

節郎初學語喃喃待旁譯抱置几案間未嘗懼生客見
筆輒爭拏了不顧梨栗細指作小拳握管掃濃墨信手
皆天機何曾解橫直居然肖毛羽意態辨端的飛鳴固
其宜畫筆有此勢蚤已覘來日紫毫千鈞重麝煤萬斛液古
來無盡才濡染從此出是中有種子匪可施人力苟非
多生積一見豈知悅之無秉夙慧金環揆舊物羊公與
白傅仁事本奇特阿父愛忘眠坐客懽動色作詩付節
郎綴之於素冊

花朝集蒼翠菴玉蘭花下

感春春已半入寺寺非遙勝侶來相挈懽襟赴此招醉
原關活計花亦有生朝玉樹吹蘭氣殘梅向客飄

野步同楸磯

蘼蕪存古澗春日淺於溝山接松岡近林穿竹塢幽柳
多橫路口杏半出牆頭倍覺風光好其如暗引愁
身閒同送目緩步使心遐浮潤春郊土稀踈老圃家野
塘纔積水山逕但逢花點綴芳時景風鳶一綫斜

曉起馬岡揆桃花

坡陀茅屋後臨水小桃開自踏朝烟破惟逢野衲來路
綠芳草熟春怕落花催不是身衰甚何辭日幾回

新卯

新柳無定色。曉風還暮烟。中勻似染垂處弱。堪憐未
欲藏漁艇。方將拂馬韉。銷魂何地是。紅杏畫樓前。

雨

十日不春雨。杏花全少愁。垂楊初引燕。新水欲招鷗。門
巷何嫌寂。谿山愈可遊。心慵無一事。書筴伴香篝。

永福寺後山

勝地精藍廢。荒山卯塔存。年深拾宮瓦。

舊陶殿
瓦處

野曠闢

農村林露炫。花色朝陽熨。草痕來歸兔。羈旅未肯閉衡
門。

少日未知惜。客中還寡儔。對花翻不樂。抱疾頗難瘳。自
古傷遐邇。連朝喜獨遊。繁英兼細草。隨處一勾留。

髑髏山桃花

山名如有意。刺耳喚人遊。種樹分蔬圃。成林映麥疇。烘
晴開似笑。照水豔含羞。挈榼花前醉。飛紅上白頭。

半峰菴後山

清曉鮮人跡。山桃花正紅。茸茸回草色。細細起松風。塔
露青梢上。陵荒紫氣中。未亭先乞句。物象恐難工。

僧將
結亭

以休遊者
先乞為詩

陰雨看屋後一帶花

籬門開向曉。數武即花谿。南郭春逾半。東風綠漸齊。遠
林紅未減。小雨路無泥。吟憩橋邊石。輕雲壓帽低。

潘虬姿五十

凍帆京口五把臂慰平生口作經年客尤淡往代情先
人皆國士家集有中清一笑微名棄青衿落葉輕
謀生無善策舊業已頻遷薄俗文章賤長貧志操全江
聲嘗怒下海月自孤圓不信英雄地千年竟杳然

多愁人易老切勿遣愁傷可惜年今艾猶欣鬢未霜仙

山訪句曲農畝就雲陽酒德還堪頌期君入醉鄉君善飲而

每節酒
故云

玩顧寶幢畫冊作

寶幢居士耽禪悅不脫冠巾修白業靈山授記已多生
筆墨不從人世得白蓮花開色如銀蓮花沒頂高於身
翛然花中坐脫去居士本傳
所載如此所不滅者惟烟雲一巒一

壑超凡格靈境仙源猶咫尺六法胸中久已忘著紙何
曾有痕跡却憶高人王右丞畫師詞客自標稱分明玉
露堂中客千載遙遙暗續燈何幸人間留此冊字蹟詩
篇俱妙絕也經兵火未全殘十七幅存三幅缺三時不
雨逾四旬禾田圻裂皆揚塵居人夜起爭汲井綆短井
深愁水渾此時抱冊來相賞使我見之神忽王飛身匡
廬雁蕩間赤足直踏層冰上秦淮六月無笙歌顧家有
樹陰漸多急呼小艇少携酒橋下風吹水面波展玩咨
嗟遂移日雨過高城纔片刻明朝臨本欲驚人定有曹

源真一滴是日岡南
借冊子歸

次答蔡岡南贈畫八詩

少而善畫今白頭岡南舉以無時流矜持累月不下筆
少不愜當心先愁圖成恨少古人賞妙處似遣神工搜
欣然不惜持贈我固應可得非可求溪山窈窕木石古
陰晴變化林亭幽閣中對坐者誰子相與遯世無他謀
仙山不容輕稅駕靈源詎肯虛回舟有如此中天地莫
余往區區造物何相讐寶幢居士暗招手夢中彷彿來
同儔與君心眼炯相印皎如片月懸清秋炎蒸已失冰
雪投弄藏不啻鳥養羞惟愁六丁下取收森森防護須
戟矛

吳綺園寄龍柱天蛻墨

奚超法冠古潘谷老能別宋賢極評品名存已亡實惜

哉半丸物乃匪千年質近代好事多厥品殆逾百制作
首小華兼金頗難得繫誰在羅前方正有牛舌青丘邵
格之亦可相輔翼上起嘉隆朝下逮萬曆末其間數程
方他製莫能及麝煤走四方豹囊充一室精工繪為譜
鉅麗裝成帙矜名亦射利受賞或遭罰方猶遜程為小
可容甲乙此外數十家爭雄各優劣新安富而文一郡
甲京國不惜千金貲何憚萬杵力豈無真賞士要必屬
詞客詩老程夢陽松圓標逸格樸雅無形模一一皆手
捏松圓老人
有手捏墨不與衆為曹是余心所愜此風替已久天
蛻今晚出矯矯吳季子詞場實英傑家山橫檻前三十
六峰碧采比千歲松和以六言雪清虛發光采能使漆

慚黑同人貶寸笏等於珍一璧蜿蜒盤龍柱內廷擣香
屑近臣或有賜人間罕云覲齋心酌古法再拜做成式
奉將獻行宮一見深寵悅從茲墨苑中嘉話添一則感
君不我遺遠餉到蓬華開緘獲一槌玩弄遂終日自取
中雷泉滌彼下巖石腕拙不能書徒然惟用啜

謝楸磯惠笠

松年閣內夫須笠贈與蘼蕪澗上樵待得看花春日裏
瘦筇相伴好逍遙

黃帽青鞵是野人畫中空見古冠巾朝朝自挽如螺髻

余自總角至今未嘗一日披髮慚愧風光一病身

高髻濃妝引豔愁輸他蠻女占風流是笠蓋蠻方婦女以之覆髻者從

今一笠遮頭去免作人前禿髻羞

早桂開時月正圓雙峰有約就僧眠不須更畏秋陽烈
已倩輕雲覆兩肩

飲朱少文水亭

敲倒殘荷不自持斜陽亭角柳垂垂半灣淺水營新檻
一段長橋引舊思追數風流難綴筆消磨烟月賴銜卮
憑君招取如花客玉指瓊簫孰肯辭地為舊曲佳處所謂長橋夜月者

苑家橋

聽打鄰鐘夢已休雨畦烟圃舊歌樓苑家橋畔閒來往
一曲青溪萬斛愁

盧龍山同未福茲

蒼然日色上衣來秋正盧北絕點埃湧江波古吳楚
參差烟勢晚樓臺歸鴉簇簇飛將盡落木蕭蕭響易哀
何意山顛雙病客松梢月出尚徘徊

遊茅山

引領仙都望不窮三峰縹緲出雲中籃輿未到愁昏黑
林木將凋變紫紅磴道曲盤如綠壁樓居層聳盡排空
今宵醉向華陽臥彷彿鈞天入夢同

嘹唳清音演步虛中天傑構儼宸居瑤壇星斗依方位
石洞烟霞自古初待駕飈輪行絕迹試尋丹鼎藥留餘

元符玉印傳譌耳一軸生神是寶書

玉印一元符間以賜道士劉混康者

而妄傳以爲秦篆上官有趙子昂書生神經數千字

百卉流泉古澗香澗邊楓櫟挺千章真人白鶴依期降
野客紅藤信步長靈穴無根浮地肺連峰有絡貫良常
雷平芝甲芋眠舊采木還應就鬱岡

鹿飲猿棲願解形幾多高隱置巖扃乖龍洞口曾留跡
壽鶴江心別紀銘更欲登揆聞白額可能齋被事黃庭
不知貞白遊何處纔聽松風意已醒

輓劉黎先

尊酒爲歡憶昔年論文嘗欲抗前賢不堪重踏南街路
來送君家入墓田

淪落雄才可訴誰白頭空抱著書癡生前豈免旁人妬
身後惟應識者悲

夜對篝燈畫掩荆可此非骨此非了平生人間坑穽縱橫是
死向黃泉路始平

在日君貧却諱貧一棺二紀痛嚴親悽涼今日相隨去
淚灑霜天執紼人

和岡南典裘

縱有仙人紫綺裘也應持向酒家謀由來一士當狐腋
焉用千金問雉頭花下緼袍殊自得山中裋褐可忘愁
木棉饒有竒溫在乘興還堪上雪舟

題攝山秋遊圖傷朱東屏

高秋攝山晴有興不能輟王孫招我遊襍被二三客丹
黃萬木中間以六朝碧溪林漏清鐘古殿屹崇級僧廬

徧山均樵徑依澗側徵君不可作寒乳凝白憑陵最
高峰衰身忽生翼人歸我猶留展轉逾十夕窮揆一山
幽過於舊所得豈知形質幻等如泡漚滅長眠慟伊人
曾未及兩月見君貌茲山我淚暗盈睫落葉紛欲投猿
鳥引藤笠窈窕林石間彷彿都可識卷圖急歸君不忍
復端的從此遺谷旁斷我重遊蹟北湖波渺茫南郭花
狼藉回首叫山雲山雲增耿咽

題蔡岡南攝山秋遊圖

攝山偕王孫我遊先二夕興高君繼來聯榻就僧室寺
門一徘徊矯首同叫絕山形秀雙肩澗勢縈兩腋中坦
雲霞心肯露劒峰脊小松高天磴道累危石藥草今

猶多甘泉古無劫於時秋一溪颯颯正飛葉小雨不作
苦石上慎欹側羨君白鬚髯飄飄類仙客登巖覽大江
浩馬東去直盪胸千頃寬窘步半跬空嶺頭諸佛坐林
外一僧立搜竒訪磨厓造勝入幽樾一聲啼秋鷹響破
萬重碧緬想明徵君當年捨斯宅梁陳盛祠宇人主屢
崇飾中間有興廢灌莽重翦闢名山不拒人來者空歎
息何期轉瞬間王孫一朝失老懷終日惡苦淚盈襟滴
愛君畫筆高欲奪古人席經營爲此圖使我動心魄我
悲欲乞君藏以待來自故交兒子大異世風流隔藉此
一軸物留爲百年蹟題詩豈免酸用以識年月何必向
子期獨感山陽笛

東岡南惠燒春

天印山前釀法清一罌相餉見君情高橋處處帘懸字

何用花從椀面生

燒春以鏡面爲只
浣水則花生焉

漬酒經年費藥材扶衰猶藉掌中杯蓋藏惟有燒春久
自勝田家飲撥醅

氣剛味烈如端士易致能求賴肖甥

君之宅相
家於山下漸覺江

舟來信少底須醞醑始堪傾

連年所飲酒皆江邨主人
自秦郵山陽遠致之鄙人

歸後恐未可
數數得也

遠客從人乞兩瓶倘因知我別澗溜故人用意醲於酒

戶大空慚只小詩

一月前顯將來白下從人轉乞樂口
酒見惠闕報一詩白香山句戶大嫌

亂酒才高
笑小詩

獨酌有感

可憐一甕喬家白斷送朱徐不少留

曩嘗欲載喬白飲徐君而七兄不待

去歲開尊東屏共飲不意其繼往也

何事夜臺偏間隔南原北郭不同丘

徐葬神京門外先葬小山

雪縞松林鴉噪群避人獨酌且微醺當春擬斷花前酒
一醜愁澆兩地墳

除夕有傷朱東屏

牢落情懷歲事孤歲歸曾不少躊躇春來覓伴愁何限
老去謀生計愈疎昏眼已難窺細字空腸休擬嚙殘書
有人新臥荒郊內隔面吞聲僅月餘
飛雪從朝竟逮昏絕無間屐款柴門
憐病客添衰相

重對山妻拭淚痕去我遽為千古別
心能復幾人存

年年此夕蒼頭至腸斷王孫酒一尊

每歲除夕必以京口百花酒相餉

清涼講舍追慕耿天臺焦弱侯諸公

當年吾道日中天冠珮來遊盡古賢何意空山留石闕
獨憐遺像對齋筵間階曝背僧捫蝨故國驚心客聽鶻
欲陟翠微亭久廢無情江水綠依然

雪中東蒼翠菴主客

十日春寒雪未休驚心紅萼在枝頭想應零落山牕下
琢句湯休不免愁

擁屐泥深隔寺門鄰鐘容易報黃昏不知習靜長齋客
誰與清言共一尊

苦雪東蔡陶白兼致徐貫

把燭談淡夜銜杯惜早春病身難取醉老景易傷神數
聲上日追良會回頭失故人一旬風雪內孤寂若為親

祇緣君愛客常使我忘家特立情原洽相過跡未遐漫
憂天倒置每對月橫斜五見庭梅發悠悠感歲華

積陰無旦晝慘色閉郊林已去臘重返未消寒倍侵慵
披蟬帙覽強取藥醪斟襟被忘機老無端隔遠岑謂存齋

忍寒徐季子僵臥復如何半世不輕出一身殊覺多敲
冰朝索浴啜茗夜驅魔待得春泥溜湖心綠漸波

次答王歙州見懷

嬾從江上問扁舟獨對雲山恨白頭似盡未勾賒藥券

春來難免看花愁懷人風雨憐同調艱事篇題感舊遊
我有夢魂何地切暗潮明月近瓜洲

種紙菴對花

雨晴春去遠水檻對瓶花衰病情何限新淮綠有涯一
杯銜午晝雙燕趁鄰家鼓吹聲偏早依依岸柳斜

周師農瓶中芍藥

洛花難擅麗春竟枉成歸傾國人如此平生見亦稀晚
風防暗襲清露免朝晞金屋猶嫌陋惟君靜可依
飛塵長日斷髹几研山青自起蘋更水相偎曲掩屏似
聞花有語未許客能醒黃鳥啼應惜芳時已不停

王子宣家孟白牡丹

綠竹林深鳥亂言
殘春天氣身風沙
不辭曉露沾衣溼
來看山家孟白花

梁氏水亭

在莫愁湖旁

粉塔青山遠不藏
郭西煙水舊蒼茫
亭邊有樹松新影
湖面無舟弄夕陽
撥刺秋鱗盤薦膾
每八月捕魚
悠颺客夢枕生涼
戊申夏曾下榻梁氏
上公把酒陳魚地
地故屬徐魏國湖心舊有亭焉
莫

惹閒愁話易長

東邑以製成雙櫬為贈感答以詩

嘗聞諸莊生息焉乃君子吾生行當化豈遽憂螻蟻緬
思中古來獲免顙有泚未容效王孫矯世裸其體一棺
但周身取具不須美感君用意厚選材徵匠氏屑瓷細

於灰斬漆濃無滓斑然見狸首牝合塗其裏斤繩悉中
度完好諒難毀江舟雙櫬至僧室同時度愚夫色然駭
好友聞之喜少來歷憂患憔悴鮮生理衰身忽蒙詬况
復病逾紀一朝使符至迫促不移晷可以瞑而往可以
臥無起達情非豫凶先事勤知己回頭謂山妻緣我以
及爾禪旁非吾求桐棺已云侈一丘指青山萬古宅於
此此事今所無此義自君始餘年幾何時早夜坦然竣

同史千里宿蔡齋即席次史韻

蕭瑟秋庭暮雨新
淡宵停酒話遺民
文章何用驚時輩
肝膽惟應向故人才
已累身心未死老
難諧世自嫌真
尊前一寸將殘燭
還把尊歌勸鬼神

迷寶華山

穿雲力倦仗蒼藤遙瞻盤回足漸升松谷得霜多錦樹
道場開地擬金繩諸天圍繞千法座一鉢威儀萬指僧
梵唱寂時山月皎廣庭相對滿懷冰
樹杪兜羅白幾重茫茫雲海盪心胸窮秋石上香靈草
淡日崖邊秀古松鐸響不驚棲殿鴿瓶傾爭覩穴潭龍
昧公塔座能堅穩重爲南山振鼓鐘

落木聲中夜氣寒曉風吹日上巖端褰衣夏陟西峰頂
縱目因知下界寬花愛園茶清勝雪枝攀野果耀如丹
道人真率能留客又展山堂一夕懽

浴罷松寮日就晡還來文室共跏趺靈文具葉緘滕祕

西竺貝多經一部長踰尺濶三寸許微殺其末以畫板夾護竅其中繩貫之妙楷蓮經筆蹟
殊有趙吳興戒地直須游慧刃心源端欲湛玄珠高僧
願力瓌竒在銅殿年深積翠鋪

再入攝山傷朱東屏

老淚臨風暗灑襟紫峰閣下忍重尋隔年僧亦傷前事
長夜魂應憶舊岑落葉盡遮遊客路凝泉如照古人心
悲來欲問忘情法石佛無言恨轉深

謝酒東楸磯

霑膺寒涕畏開幃薄雪如霜入曉扉淮地酒從江上載
彭城人自臘前歸多情分我呼誰共不飲如君念友稀
較比梨花春並可前此以梨花春日酌一壺兀兀早忘機

蔡岡

居

云早徐子仁舊址

過軸隨宜取何妨又此遷遙隣孝侯地略記武宗年

浴龍

池在款戶無新客傳家有舊瓊花時溪上近日費衣頭

錢

織錦坊邊酒酤來定滿罌春烟浮小市晚日映高城白

首權相對青山寫易成風流雖隔代應占兩耳名子仁亦號

仙髯

顧儼若惠川椒附子無許致丁香油以療腹疾

遠方名藥多難致嘗苦衰身百患攻入肆賤知西附劣

啓囊珍訝蜀椒紅辛温效在熏烝後服食春生掌握中

更許靈膏滿螺殼君情濃厚與之同

喜洪咏懷來

銜愁何意好懷開纔破春陰喜客來雨後桃花初豔冶

望中山色正崔嵬難追舊事空嗟老賸有新詩獨賞才

溪上綠蕪香粉地明朝晴日可徘徊時寓迴光寺

薄暮看衛基桃花

不堪苦雨困林芳裏足橋東滑路長酒伴忽來茅屋下

晴光初射竹籬旁二分春色隨流水千樹桃花淡夕陽

更約心間方外侶飮蔬清曉過山岡

僻園左右桃花

桃花灼灼笑東風一帶籬門菜圃通昔日幽篁淡巷滿

多年文杏畫樓波有意猶浮蕊夜雨無情玉洗紅

樹已成林園

小看初不識鄰翁

昔歲曾僑居於此

雙塘桃花

雨多野水溢雙塘全藉春陰染綠楊人向東風懷舊事
行臨明鏡試新妝去來行藥穿林過高下尋芳轉徑藏
屋上晴鳩啼漸緩村童摘菜競提筐

演長生殿傷洪昉思

一曲新聲是禍媒當時傳寫徧燕臺陽侯不為才人惜
竟向錢塘水底埋

飛燕昭陽事有無玉環銜恨不勝汙借他一尺紅牙拍

洗却唐家稗史誣

洗兒錢事蓋小說之誣為史家誤采喜其絕不涉此可云雅奏

洪生本色填詞客出手遙拈若士香正是斷腸千載事

殘春天氣好排場

吳寶樹八十

曠懷從不惹輕愁少日清修到白頭人物早曾攀大雅
詩篇何止壓時流倦來拋卷橫眠月醒處搖燈側聽秋
人羨蕭閒天與健似君宜向列仙求

南原北郭日從容步履相追少曳筇結社伴惟方外夥
看花情比少年濃七篇心契逍遙旨百歲身如礪砢松
還有渭南遺事在好將團扇寫高蹤

次韻補題雲辯上人小照

愛爾蕭閒坐石邊山菴蒼翠始何年吟成欲墜松梢月
悟去能生火裏蓮嘗畏名喧多避客總緣人秀也疑仙

不辭寂寞時相訪
聽溪鐘過野田

贈王清雯

乍逢同抱病相對各忘懷
共飢還分夢連宵但引杯
漏長秋太苦江近雁初來
欲遏高雲住忙愁響易哀

題黃尊古獨往圖

南瓊海北瀚海兩極高
卑天倚蓋中間五嶽小
於拳故眼何能出天外
收將畫本置胸中不信古人吾不逮
歸來盤礴閉門時
毫端萬里山川在

雪後集白牛閣

雪殘山更好歲宴意偏閒
目盡寒郊外人期古寺間
言歡生雅謔行酒變衰顏
已是昏鴉噪何辭踏凍還

遠天含薄照罔路尚微明
夕月可能繼凍雲殊不輕
森森林木直歷歷野鐘清
勿問梅遲早重三錢歲盟

看永興德恩兩寺梅

不嫌山路僻似覺野情長
入寺花如雪逢僧鬢已霜
頻來難伴侶久坐戀香光
惟有空郊樹閒尋病易忘

春半

素梅枝上雪隨風柳色朝
看暮不同陂水未生春雨少
子烟初斂杏花紅祇思白社
尋禪客猶有青山慰病翁
妝點韶光今已半東皇歸駕恐
怱怱

野望

繙書授句兩無一
出柴門望遠空塔在林邊
山雨後

澗橫舍北路橋下
情草色閒田綠
生意花枝破屋紅
自是春郊宜送目
不堪側耳賦哀鴻

雨後看籬門外一帶花

一雨浮塵山路淨
村邊多見野桃開
無人可共春陰酌
有興還能日暮來
翠柳纖長柔比線
玉蘭瑩白大如杯
花谿祇在籬門外
樹下成蹊易往回

雙果菴看花

淡柳烘桃色色新
溪山都覺逞精神
參天斲老存雙樹
僻地菴高少四鄰
藉草豈須仍問主
看花最喜不逢人
衰身自恨還成幸
又向芳時領受春

暑夕元子初歸留同孝別小飲

銜杯搖筭坐老瘦
略相當一夕歸人至
滿庭秋藥長了
無風薦爽轉畏月生
光絡繹聞佳咏
歎亦暫忘

十一夜松門踏月

同穿溪徑密暫憩
小橋幽山勢靜如睡
月光濃若流聞
心偏惜夜酷熱為爭
秋斲盡松門樹
今惟百一留

之溪老生集卷第六



